



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De sacrista de Lucka, qui nocte sanctam Mariam super al [...]are residere  
conspexit, cap. 17.

**urn:nbn:de:hbz:466:1-13177**

Christianus quædam mirifica filio suo recitaret, nunciavit. Mox Prior ad illum veniens, & coram ipso sedens, si aliquid loqui vellet de confessione ex industria interrogavit. Cui cùm responderet, confessionem feci, subjunxit: Rogo ut aliquid mihi dicaris ad ædificationem. Tunc ille: Quid dicam vobis? Iam enim domina nostra sancta Maria fuit ante me cum filio suo Domino nostro Iesu Christo, & quia horas meas ob corporis imbecillitatem dicere non potui, ipsi me iuuerunt: quasdam horas speciales dicere consueuerat. Vniuersa hæc audiuuit prædictus Geuardus post tergū Prioris sedens. Interrogatus etiam, qualia haberent vestimenta, respondit: Cucullas sicut & nos. In tali enim habitu se ei ostendere dignati sunt, qualem ille pro eis suscepserat. Sicque sine beato decedens, ab ipsis receptus est, a quibus moriens fuerat visitatus, & in æternis sedibus cum gloria locatus.

## CAPVT XVII.

**N**uper monachus quidam ordinis nostri, Adam nomine, per nos transiens, inter cætera, mirifica quædam de domina nostra sancta Maria nobis recitauit, quæ in suo monasterio veraciter contigisse testabatur, ex quibus etiā duo nunc proferam, reliqua locis competentibus reseruabo. Vocatur autē domus eius Lucka; & est sita in Saxonia. Est ibi custos vir bonus & religiosus, qui cùm nocte quadam oratorium intraret ante matutinas, dominam nostram sanctam Mariam, tanquam oratorii patronam, super altare in multa gloria residere conspexit. De qua visione valde latificatus est, sperans ministerium suum illi placere. Alio verò tempore, cùm ostia oratorij referaret, venissetque ad cäcellos, ubi hospitibus stare moris est, diabolum super feretrum, in effigie hominis nigerrimi, iacere vidit: qui cùm se signaret, nec ille fugeret, mox ut proprius accessit, fantasma euanuit. Tunc ad confusione diaboli super ipsum feretrum se composuit, tam diu in eo iacens, donec septem psalmos pœnitentiales decantasset.

Cc

Ca-